

Powšitkowne WOZJEWJENJA

njedźelu, 15. januara 2017

Swjedžen swjateho Bosćana w Chróścicach

Předsydstwo Bratstwa swjateho Bosćana přeprošuje wšitkich na swjedžen swjateho Bosćana pjatk, 20. januara, do Chróscic. Bože mšě budu w 6.45 hodž., 9.00 hodž. a 19.00 hodž. Swjedženski nyšpor z procesionom po wsy je w 14.00 hodž. Po nyšporje změja člonjo bratstwa na farje swoju hłownu zhromadźiznu.

Wěriwi ze wšitkich serbskich wosadow su přeprošeni, do Bratstwa swjateho Bosćana zastupić. Štóž chcył z člonom bratstwa być, njech so hač do štwórtka, 19. januara, na Chróścanskej farje přizjewi, telefonowe čisło (03 57 96) 8 04 00.

Bratrowstwo hraje nowu žortnu hru

Dziwadłowa skupina Bratrowstwa zahraje swoju nowu komediju „Jědźk a lěnjoch“ tutu njedźelu, 15. januara, w 16.00 hodž. na žurli w Sulšecach. Dalšej předstajeni budžetej njedźelu, 22. januara, w 16 hodž. w Nowoslicach pola Dinarjec, hdžež poskića wot 15 hodž. kofej a tykanc, a sobotu, 28. januara w 16.30 hodž. we Worklečanskim hosćencu. Wšitcy su wutrobnje přeprošeni.

Džakne zarjadowanje kapałkowneho towarstwa

Towarstwo Worklečanskeje kapałki maćerje Božeje přeprošuje wšitkich svojich člonow kaž tež wšitkich, kotřiž so dokoławokoło kapałki wo čistotu, pyšenje, wobrubjenje a zaručenje Božich službow a duchowneho žiwjenja staraja, wutrobnje na zhromadny wječor wutoru, 17. januara na žurli maltezow do Worklečanskeho hrodu. Započatk je ze zhromadnym róžowcom we 18 hodž. w kapałce. Zdobom džakujemy so wšitkim tež po tutym puću za swěrne skutkowanje.

Předsydstwo towarstwa

Dny kubljanja a rozmyslowanja za seniorow

Pod hesłom „Halo, tu sym – cyrkej“ přewjedu so wot póndzele do pjatka, 23. do 27. januara, dny kubljanja a rozmyslowanja w Schmochčanskim Domje biskopa Bena. Nawod změjetej Beata Thielemann z Drježdžan a Terezija Kubašec z Radworja. Přihotowany je wotměnjawy program, kotryž da čas k rozmołwje, zabawje, wočerstwjenju runje tak kaž za impulsy k žiwjenju w cyrkwi a z njej. Planowany je tohorunja wulět do Budyšina. Zdobom je wosebita hudźbna překwapjenka přihotowana. Zajimcy njech so hnydom přizjewja pola Christiny Rothe w Drježdžanskim biskopskim ordinariaće, telefonowe čisło (03 51) 3 36 47 04.

Mandželske seminary 2017

Termíny mandželskich seminarow za přichodne lěto su 3./4. februara w Kulowje, 10./11. měrca w Pančicach-Kukowje kaž tež 31. měrca / 1. apryla a 1./2. decembra w Domje biskopa Bena w Smochćicach. Přizjewić měli so zajimcy pisomnje hač do štwórtka, 19. januara, pola Dekanatneho dušepastyrstwa, Młynski puć 4, we 01920 Worklecach abo pod e-mailowej adresu don.boskowy-dom@t-online.de. Formularj k tomu móža sej w cyrkwjach sobu wzać.